



Број/Број: **01/2a-50-3-2-32/13**
Сарајево/Sarajevo: 29.2. 2013.

Predmet: Zabilješka sa sastanka predsjedavajućeg Komisije za vanjske poslove Mirze Kušljugića s ambasadorom Moldavije za Bosnu i Hercegovinu Alexandruom Condreanuom

U četvrtak, 28.2.2013., održan je sastanak predsjedavajućeg Komisije za vanjske poslove Mirze Kušljugića s nerezidentnim ambasadorom Moldavije u Bosnu i Hercegovini Alexandruom Codreanuom. Sastanku je prisustvovao i Marin Cebotari, savjetnik ambasadora.

Mirza Kušljugić je na početku pozdravio ambasadora Condreanu i poželio mu dobrodošlicu.

Ambasador **Alexandru Condreanu** zahvalio se i kazao da je sastanak s parlamentarcima važan jer parlamentarci mogu pomjeriti stvari naprijed. Ambasador Condreanu pokazao je interes za intenzivnije konsultacije s ciljem povezivanja parlamenata i olakšavanja viznog režima između dvije zemlje, što bi bilo od pomoći privrednicima i poslovnim ljudima. Također se dotakao teme pridruživanja EU što je cilj i Moldavije a u čemu je BiH nekoliko godina ispred Moldavije. Iskazao je uvjerenje da će Moldavija zaključiti sporazum o pridruživanju EU do kraja jeseni ove godine. Istakao je da očekuje zaključivanje pregovora o viznoj liberalizaciji s EU do kraja novembra. U tom smislu kazao je da bi iskustvo država regiona moglo biti od pomoći. Dodao je da se ove godine navršava 20 godina od uspostavljanja diplomatskih odnosa između BiH i Moldavije, te da bi olakšavanje viznog režima i otvaranje konzularnih predstavništava dvije zemlje u Sarajevu i Kišinjevu mogao biti korak naprijed u odnosima dvije prijateljske zemlje.

Mirza Kušljugić kazao je da je Komisija za vanjske poslove u posljednje vrijeme uključena u proces bliže regionalne saradnje, gdje BiH, Hrvatska, Srbija i Crna Gora traže načine da poboljšaju regionalnu saradnju. Naglasio je također da parlamentarna diplomatija može imati veliku ulogu za zemlje u procesu evroatlantskih integracija. Dodao je da BiH zbog kompleksne ustavne strukture sporije napreduje prema evroatlantskim integracijama, iako se sve političke stranke slažu da je budućnost BiH u EU, kao i da su komplicirane reforme oblast gdje možemo razmjenjivati iskustva.

Ambasador Condreanu kazao je da je Rumunija u UN-u u prethodnom periodu imala dobru saradnju s BiH, te poželio da se takva saradnja nastavi i u budućnosti.

Mirza Kušljugić kazao je da misije BiH u UN-u u Njujorku i Ženevi prate instrukcije Ministarstva vanjskih poslova BiH i Predsjedništva BiH ali da Komisija za vanjske poslove bar može dati sugestije našim ambasadorima, koji prije odlaska na svoje dužnosti imaju sastanak s Komisijom za vanjske poslove.

Ambasador Condreanu zahvalio se gosp. Kušljugiću na riječima podrške i izrazio očekivanje u nastavak dobre saradnje.

Zabilješku sačinila Merdžana Iglica,
Sekretar Komisije za vanjske poslove

SEKRETAR
KOMISIJE ZA VANJSKE POSLOVE

Merdžana Iglica

Dostavljeno:

- Kolegiju Predstavničkog doma
- Komisiji za vanjske poslove Predstavničkog doma
- Komisiji za vanjsku i trgovinsku politiku, carine, saobraćaj i komunikacije Doma naroda
- Sektoru za međunarodne odnose i protokol
- a/a